

寧洱縣

雲南
省
地
誌

雲南學會徵刊

中華民國十年八月出版

雲南省地誌第二卷

(寧洱縣)

編纂者 寧洱朱錦文

徵刊者 雲南學會

印刷者 雲南開智公司

雲南省地誌

寧洱縣

目次

全境略圖

名義

沿革

位置

疆界

面積

地質

地勢

山脈

河湖泉

寧洱縣地誌

目次

氣候

天產

人口

產業

政治

古蹟

交通

地方誌

雲南省地志

寧洱縣

寧洱朱錦文纂

名義 按郡志東山舊名普洱山卽光山今之錦袍山也又有普洱河卽三岔河下流會思茅河處故名普洱府及設縣時因境內有東西洱河故名寧洱以示區別稱之曰寧取安定之義

沿革 寧洱原屬普洱於商周爲產里始貢方物兩漢唐宋以來道路不通至元明內附設土司亦第羈縻之而已清朝改土歸流設一郡三廳又統轄車里十四土司威遠三土司他郎一土司并置鎮駐兵衛焉茲倣通志邇郡縣之沿革立之以表而詳考其顛末以錄於後

呂氏春秋伊尹四方獻令曰產里以象齒短狗獻

逸周書王會解正南產里百濮以象齒狗獻

謹案普洱卽古產里地自兩漢及隋唐皆不通中國故其沿革多不可考

明一統志蒙氏置威遠屬銀生節度

元史地理志至元二十九年雲南省言新附金齒適當忙兀脫兒迷失出征軍馬之衝資其芻糧擬立爲木來路中書省奏置散府以布伯爲達魯花赤用其土人馬列知府事

元史世祖本紀至元三十年十一月戊辰以金齒木朵甸戶口增殖立下路總管府給其爲長者雙珠虎符

又至元三十九年征交趾經所部降之置車里路軍民總管府領甸六

明一統志元時徹里軍民總管府領六甸後又置耿凍路領耿當孟弄二州

舊志世祖至元間以馬龍等甸管民官並於他郎甸置司隸元江路又置威遠州又於威遠立元江路

成宗本紀貞元二年十二月雲南行省臣言大徹里地與八百媳婦犬牙相錯今大徹里胡念已降小徹里復占扼地利多所殺掠胡念遣其弟胡倫乞別置一司擇通悉蠻夷情狀者爲之帥招其來附以爲進取之地詔復立蒙樣岡等甸軍民官

泰定帝本紀泰定三年九月大徹里昭哀奉方物來獻以昭哀地置本朵路一木來州
一甸三

明史地理志元車里路泰定二年七月置即大徹里洪武十五年開二月爲軍民府十
九年十一月改軍民宣慰使司永樂中廢宣德六年復置

舊志景泰元年以車里叭眞之子凱冷爲宣慰司分其東爲別部名小車里嘉靖十一
年緬甸侵車里宣慰刀糯猛折而入緬其在大車里者應緬小車里者應漢萬歷十
三年復職天啟七年宣慰刀糯猛與緬構釁遁入思茅緬追執之以去其地爲元江
那氏所據車里遂亡

雲南通志清順治六年平雲南那西歸附旋叛就擒編隸元江府康熙三年調元江府
通判分防普洱其車里十二版納仍屬宣慰司雍正七年裁元江通判以所屬普洱
等處六大茶山及橄欖坝江內六版納地設普洱府又設同知分駐攸樂通判分駐
思茅其江外六版納地仍屬宣慰司歲納糧銀於攸樂

倪蛻雲南事略順治十八年吳三桂以普洱思茅普藤茶山猛養猛暖猛捧猛騰整歇

猛旺上猛鳥下猛鳥整董爲十三版納編隸元江府

案冊乾隆元年增置寧洱縣附府移攸樂同知駐思茅而省舊設之通判三十五年降元江鎮沅二府爲直隸州以元江通判分防之他郎鎮沅同知分防之威遠並歸府轄領廳三縣一清連告終民國元年改府爲縣

附建置沿革表

漢	三國	晉	宋	齊	隋	唐	五代	宋	元	明	清
屬產地											
附記											
民國元年裁縣留府兼縣事旋改府爲縣與他屬不相轄											
洪武十四年蠻											
會歸附屬元江											
府											
雍正七年設普洱府乾隆											
元年增置寧洱縣附府											

位置 寧洱縣經線一百零一度緯線二十四度距省九百三十五里

疆界 寧洱縣東至墨江界南至思茅界西至第八區行政分局 北至景谷

鎮沅界東北至墨江界東南至第七區行政分局 西南至第八區行政分局界

西北至景谷之小黑江界

即整董
土司界

即六順
土司界

邊界無對汛至重要關隘一如東南方等了之與三江口連界二如了茄南之與整董連界三如猛茄之與整董普文連界四如漫蚌酒房之與六順連界五如漫達之與景谷之小黑江連界六如馬鞍山大黑樹之與鎮沅磨波連界七如蠻磨邊界之羅鉄與墨江之龍塘街並通關之清水河與墨江之板雅房連界八如把邊東之富岩山與鎮沅之塘上街墨江之土地塘連界最爲盜匪出入地方各連界處皆通衢道路防範宜嚴

面積 寧洱縣面積三千三百六十方里零自南至北最長處約二百里零自東至西最長處約二百三十餘里

地質 縣屬岩石大部分爲水成岩有石灰石方解石產蟠龍山大壁山四聯山等處有砂巖礫巖產五里坡班海小河等處

縣屬土壤就地面泥觀察之以信成鄉爲最肥沃產稻最富何家寨之麻虬米名最著其次則善長鄉土質亦美產稻亦富再次則猛先鄉雖不及信成善長二鄉然水源充足土質黏潤收穫亦豐此外如圓通東西二鄉磨黑把邊通關蠻磨等了等鄉雖土質

膠黏不甚肥沃加以水源短小灌溉難周近年雨水調勻所種之稻收成得中若多以肥料施之則瘠土漸化爲沃壤收成自可加多此外如磨黑鄉之蠻見麻線米以其土尤膠黏駕何家寨米而上焉

舊志清光緒十年九月二十三日陰雨彌漫東西洱河水暴漲至二十七日夜間地震有聲自西南來山崩圯裂衙署廟宇居民房舍傾圮無數傷八十餘人斃十七人

地勢 寧洱縣在雲南省城之西南離南海數千里其出海度數不能臆計縣內多高山無平原城池村落多在半坡山脚之間河邊山脚卽開挖作田

山脉 寧洱縣山脉起自麗江老君山經景東無量山鎮沅光戴山由大黑樹山入脈南下爲馬鞍山

馬鞍山東下一支至把邊江爲抗良山山脊卽寧洱鎮沅分界處馬鞍山南下爲松山山及黃栗八抱百草諸山過峽至土地塘由土地塘東北下一支爲磨黑山下至安樂山山脚產鹽卽磨黑井由土地塘西南行十里高聳爲茶菴山縣屬諸山皆由此山發脈惟通關諸山不在此山脉內由磨黑山南下爲永慶山再下爲過連山由過連山正

南下一支爲猛先山爲布竜山再下轉西爲石膏箐山產鹽即石膏井由過連山之西南下一支爲細石頭山爲猿猴山爲無影樹山爲腊門口山爲仁壽山上有凌雲塔再下爲煤炭山產煤東南下爲木瓜箐山猛海田山那柯里山由布竜山南下一支爲羅遮山爲會馬山爲猛茄山由過連山北下一支爲蠻建山楊家寨山爲孔雀屏山爲五里箐山爲灣腰樹山爲上把邊山由過連山東下一支爲蠻連了口山南下爲蠻磨山北下爲下把邊山東下爲蠻牙大山此山甚長百有餘里再南下爲漫竜山再下爲等了等角了茹諸山

茶菴山之東下一支分爲三左一支爲怕董山爲南溫箐山中一支爲石橋寨山爲那整山爲錦袍山即成之爲文筆山此上有凌雲塔南下爲塘房山爲馬交灣山右一支爲攔河

壩山爲頭酒房山爲那杭山爲荊竹林山

茶菴山之中幹西南下爲玉屏山爲觀音山爲誥軸山馬廠山爲營盤山爲鳳凰山山脚即縣治

茶菴山之西下一支爲大黑山爲白龍廠山此山產銅爲蠻令山此山分二支一支南下爲

太乙山

西面有太乙洞深不可測

下爲蟠龍山

下有石洞又有名人題詠詳載古蹟

下爲天筆山爲獅子山爲水碓河山爲

熱水塘山

山畔有溫泉

爲八抱樹山爲睡鶴山一支西下爲班海山爲漫連山爲一碗水山

爲塘房山山塘房山西北下一支爲困安山爲漫達山由塘房山正西下一支爲石岩

山爲乾田山由乾田南下分二支東一支爲仰廣山爲大山神廟山爲那烈山當歸山

尖山西一支爲困索山老方寨山觀音洞山再下爲那遷山爲紅石岩山由觀音洞山

而西南爲南德山爲漫蚌山爲花房山

通關山之來脈由墨江屬之上境塘山往東爲富岩山再東爲哨牌山轉東北爲永馬

山爲通關哨諸山

河湖泉

川河形勢表

名稱	全長 里數	經過本 治里數	源	委	極寬處 丈尺	水利	水害
把邊江	無考	一百二十里	源出蒙化鳳山經景東恩樂新撫至抗良山縣治再下入仙江	半里餘	無	無	無
小黑江	無考	五十里	源出景東經景谷過寧河邊界再下雅普河大河入蘭滄江	半里餘	無	無	無

川河形勢表二

名稱	支	流	水流方向	航路 狀況	船舶 種類	津	梁	水產	沿河城鎮	附	記
磨黑河	七十里	七十里	源出本縣過連山北流匯松了河入把邊江					三四丈	灌溉田畝及水碾	雨水太大冲壞田畝	
猛先河	一百三十餘里	一百三十餘里	源出過連山南流匯諸營水為白沙河出境					二三丈	兩岸皆田借此灌溉	同上	
東河	二百九十餘里	一百六十餘里	源出潮河匯那杭西河諸河南流至漫海為普河大河出境納思茅縣河入小黑江					城邊二三丈至漫海下七八丈	灌溉田畝	同上	
西河	十五里	十五里	源出太乙山東面南流入東河名三岔河處					一丈	同上	同上	
猛河	八十里	八十里	源出觀音洞南流入普河大河					一二丈	灌溉田畝	雨大冲壞田畝	
漫蚌河	六十里	六十里	源出漫蚌東南流入普河大河					一二丈	同上	同上	
白龍河	七十里	七十里	源出廠洞匯諸營水西流入小黑江					二丈	無	無	
乾田河	六十里	六十里	源出石岩脚西南流入小黑江					一丈	灌田	雨大受害	
盤磨河	七十里	七十里	源出大盤見東北流入把邊江					二三丈	同上	同上	
鉄廠河	四十里	四十里	源出猛弄西流入猛先河					一丈	無	無	

把邊江	匯松了磨 界兩河	東 南	無	無	鐵索橋一	鱧魚 青焦	西岸有上把邊 漫達諸村東岸 有下把邊村及 哨排	間有小船水 筏渡者為數 無多
磨黑河	匯松了河	東北 入流轉	無	無	有石橋二	鱧魚	南有磨黑井市 老街松了村	
猛先河	匪諸管水	南 沙流為	無	無	木橋二	鱧魚	烏先田心朝陽 等村皆在沿河	中流出鹽不 便採取
東河	納那杭那 整南溫管 西河那烈 諸河	南 西流為 普河大河	無	無	造有石橋 四木橋三	鱧魚 小蝦	楊家寨石橋寨 及新寨十餘村 皆沿河而居	
猛河	無	南 流	無	無	有木橋一	石花 魚	西岸有漫井那 千等村	
白龍 廠河	匯諸管水	西 流	無	無	無	石花 魚	無	
乾田河	無	西北 流入	無	無	有木橋二	鱧魚	乾田諸村在南 岸	
漫蚌河	無	西 南	無	無	有木橋一	鱧魚	沿河有漫蚌諸 村	
蟹磨河	無	東北 入	無	無	有木橋一	鱧魚	蟹磨諸村在西 岸	

縣屬內無湖亦無航路惟上把邊抗良兩處有過渡小船竹筏數隻至下把邊即有鐵橋縣治開闢於雍正間風氣初開亦少名勝地方無人題詠

蟠龍潭 在城西山後十里夏秋圍圓約十餘里附近田畝被淹者多冬春水消圍圓僅里許其水由洞隧流出蝦洞河而此沿河之田全賴灌溉故於洞口築堤蓄水潭東有石洞卽蟠龍洞也

龍潭泉 在西城外里許周圍約半里水由潭中湧出築有石堤南下一帶田畝甚多全賴灌溉並有水碾一利溥無害其潭西建有龍神祠每日午後遊人絡繹不絕

氣候 寧洱縣每年三四月間爲最熱之時期無雨時最高度華氏表九十度零至三伏當極熱之時大雨時行低到六十三二度嚴冬天陰最寒之時低到四十六七度二八月寒暑平均之時七十二度風向多南東雨多在五六七八月無雪無瘴

天產 分三類曰植物曰動物曰礦物表附後

植物

椿不結實人取地下莖移栽其葉可爲蔬其樹大者數十圍作器具最佳

樟自生雖結子中空無仁不能栽種縣內約千餘株多生猛先地方霜降後採取枝葉用土法製造樟腦年約出二三百斤其樹漸有大數十圍者圍圓八九寸及尺零者

甚多可作器具

楠土名黃心楠自生其樹極堅潤可作棺並作器具

柏土名圓柏又名側柏自生漸有栽種者其樹可作棺

檜土名圓柏自生今人多栽之最易發生其樹可作棺

松即油松結實不堪供菓品自生人亦多種之用作建屋材料及器具並代薪用

紅木土名毛木樹以樹皮多毛也自生其木最堅用作棟樑最能耐久不著濕氣雖

千年不朽虫亦不蛀

黃栗樹麻栗樹其木最堅惟多捲曲不堪棟樑之選可作田器每多用代薪炭

榕自生最易發生數年即大可合抱惟質劣不堪作用

槲土名毛椿自生結實其木質輕鬆不堪應用

此外桃李杏梅榴榛楊柳各植物爲普通所產不復具載

動物

蝦產自瀾滄江至五六月大雨時行溯流而上遊於寧屬各河中天壁山下由蟠龍

洞伏流一清水蝦多居此故名蝦洞河霜降後雨水稀少其蝦即無五六七八九此五月中其蝦每月得一二斤二三斤不等爲寧洱特產

龍洞魚即鯉魚產於蟠龍洞中魚食石漿每尾五六寸八九寸不等其肉最肥美少刺爲寧洱特產

鯉鯽產於縣屬各河中每尾七八寸四五寸不等不及龍洞產者之肥美

青魚花魚黃魚產於小黑江把邊江每尾五六斤八九斤不等

石花魚產於石河中長二寸身圓似銀魚最美

鱧魚產於磨黑河每尾一二斤

鱖魚產於各田中

團魚產於各江河中每個七八斤十餘斤不等

以上水產生

熊有馬熊狗熊二類馬熊大者百餘斤狗熊稍小僅四五十斤

麂山中多有之每年獵人約取數百頭